1991 nr. 33 19. mars

Lög um Slysavarnaskóla sjómanna

Tóku gildi 17. apríl 1990 (á að vera 17. apríl 1991). *Breytt með*: L. 162/2010 (tóku gildi 1. jan. 2011). L. 126/2011 (tóku gildi 30. sept. 2011). L. 81/2022 (tóku gildi 14. júlí 2022).

Ef í lögum þessum er getið um ráðherra eða ráðuneyti án þess að málefnasvið sé tilgreint sérstaklega eða til þess vísað, er átt við **innviðaráðherra** eða **innviðaráðuneyti** sem fer með lög þessi.

■ 1. gr.

- □ [Slysavarnafélagið Landsbjörg]¹) skal starfrækja Slysavarnaskóla sjómanna og fer Slysavarnafélagið með yfirstjórn skólans er starfar á vegum þess og ábyrgð.
- □ Markmið skólans er að auka öryggi sjómanna með fræðslu og þjálfun í meðferð björgunar- og öryggisbúnaðar og almennri fræðslu um slysavarnir á sjó.
- □ [Slysavarnafélagið Landsbjörg skal halda fjárreiðum skólans aðskildum frá öðrum rekstri og starfsemi félagsins og er í þeim tilgangi heimilt að hafa rekstur skólans í sérstöku félagi.]¹⁾
 - ¹⁾ L. 81/2022, 1. gr.

■ 2. gr.

- □ Slysavarnaskóli sjómanna skal halda námskeið fyrir starfandi og verðandi sjómenn um öryggis- og björgunarmál á helstu útgerðarstöðum landsins og annast öryggis- og slysavarnafræðslu fyrir nemendur í skipstjórnar- og vélstjórnarnámi.
- $\hfill \Box$ Aðalkennslugreinar skólans eru: Fræðsla um öryggismál, slysavarnir, björgunaraðferðir, skyndihjálp, flutningur sjúkra

og slasaðra, meðferð björgunarbúnaðar, slökkvibúnaðar og reykköfunartækja.

■ 3. gr.

- □ [Ráðherra]¹¹ skipar fimm manna skólanefnd Slysavarnaskóla sjómanna til fjögurra ára í senn. Einn skal tilnefndur af Sjómannasambandi Íslands, einn af [Félagi skipstjórnarmanna]²¹ og þrír tilnefndir af [Slysavarnafélaginu Landsbjörg].²¹ Ráðherra skipar einn fulltrúa [Slysavarnafélagsins Landsbjargar]²¹ formann skólanefndar.
- \square Meginhlutverk skólanefndar er að [vera ráðgefandi um fagleg]²) málefni Slysavarnaskólans ...²). Skólanefnd gerir, að fenginni umsögn öryggisfræðslunefndar sjómanna, tillögur til stjórnar [Slysavarnafélagsins Landsbjargar]²) um námskeiðahald, námsskrá og lengd námskeiða á vegum skólans.
 - ¹⁾ L. 126/2011, 155. gr. ²⁾ L. 81/2022, 2. gr.

■ 4. gr.

□ [Slysavarnafélagið Landsbjörg]¹⁾ ræður skólastjóra Slysavarnaskóla sjómanna, [að fenginni umsögn skólanefndar],¹⁾ en um mannaráðningar fer samkvæmt lögum [félagsins].¹⁾

1) L. 81/2022, 3. gr.

■ 5. gr.

 \Box Kostnaður við rekstur skólans skal greiddur úr ríkissjóði [samkvæmt þjónustusamningi]. $^1)$. . . $^1)$

¹⁾ L. 81/2022, 4. gr.

■ 6. gr.

- □ Lög þessi öðlast þegar gildi.
- Ákvæði til bráðabirgða. . . .